

VLADA TUZLANSKOG KANTONA



STO DANA RADA

JUNI 2007.

I UVOD

Protekom pet mjeseci od provedenih izbora u oktobru 2006 godine, 28. februara 2007. godine, Odlukom Skupštine Tuzlanskog kantona, potvrđeno je imenovanje nove Vlade.

Osjetno kašnjenje u formiranju izvršne vlasti na području našeg Kantona, svakako je uslovilo i kasnije usvajanje Budžeta Tuzlanskog kantona za 2007. godinu, kao temeljnog dokumenta za planiranje i provodjenje drugih aktivnosti.

Navedene okolnosti uticale su na usporavanje izvršavanja najznačajnijih nadležnosti Kantona (obrazovanje, socijalna politika, boračka pitanja , privreda , finansije) iako je prethodna vlada zasijedala do 10.01.2007 godine, te radila u punom kapacitetu do konstituiranja nove Vlade.

Sve to iziskivalo je jače napore novoformirane Vlade, te brze aktivnosti i odgovore u vezi sa postavljenim zahtjevima društvene zajednice i budžetskih korisnika.

II RAD VLADE

U ovom periodu Vlada Tuzlanskog kantona, održala je devet redovnih i četiri vanredne sjednice Vlade Tuzlanskog kantona na kojima je u prosjeku na redovnim sjednicama razmatrano dvanaest tačaka dnevnog reda, a na vanrednim sjednicama prosječno pet tačaka dnevnog reda.

Na održanim sjednicama Vlade Tuzlanskog kantona:

- razmatrano je i utvrđeno šest prijedloga zakona i upućeno u dalju proceduru na razmatranje i usvajanje,
- razmotreno je i usvojeno dvadeset pet izvještaja i informacija organa uprave, upravnih organizacija i drugih organa Tuzlanskog kantona,
- doneseno oko stotinu odluka vezanih za rad organa uprave i drugih institucija Tuzlanskog kantona.

Na trećoj redovnoj sjednici Vlade Tuzlanskog kantona usvojen je Program rada Vlade Tuzlanskog kantona za 2007. godinu u kome su ambiciozno postavljene aktivnosti Vlade i ministarstava u tekućoj godini.

Ministarstvo unutrašnjih poslova Tuzlanskog kantona je u periodu mart – maj 2007. godine nastavilo sa izvršavanjem poslova i zadataka iz svoje nadležnosti u cilju pružanja najvišeg stepena profesionalne policijske usluge u zajednici u oblasti zaštite ljudi i imovine, osiguranje poštivanja važećih zakona i propisa, sprečavanje i otkrivanje krivičnih aktivnosti, održavanje povoljnog stanja u oblasti javnog reda i mira i bezbjednosti saobraćaja.

Analiza stanja bezbjednosti na području Tuzlanskog kantona u cjelini, kao i na područjima pojedinih policijskih uprava u prethodnom periodu, ukazuju na složenost bezbjednosne problematike, posebno u oblasti bezbjednosti saobraćaja ali i sve izraženije prisustvo raznih (težih) oblika kriminalnih aktivnosti pojedinaca i grupa kao što su: razbojništva i pljačke; narkomanija; trgovina ljudima; terorizam; šverc oružja, plemenitih metala i visokotarifnih roba; privredni kriminal; kompjuterski i elektronski kriminal; razni oblici nasilničkog ponašanja, nasilje u porodici, nasilje nad osobama ženskog pola, nasilje nad maloljetnicima, seksualno zlostavljanje, pedofilija, i dr.

Strateški cilj Vlade Tuzlanskog kantona u oblasti unutrašnjih poslova u prethodnom periodu bio je rekonstrukcija policije Tuzlanskog kantona u okviru procesa rekonstrukcije policijskih snaga na državnom nivou, koja se odvija u saradnji sa Međunarodnom zajednicom i državnim institucijama. Rekonstrukcija policije, kao dio ukupnog procesa tranzicije Bosne i Hercegovine na putu u evroatlanske integracije, a posebno ulaska u članstvo Evropske unije, usmjerena je ka stvaranju jedinstvenog državnog bezbjedonosnog sistema sa profesionalnim, modernim, opremljenim, osposobljenim i racionalnim policijskim snagama, koje će se, primjenjujući policijske standarde i načela Evropske unije u savremenom

demokratskom ambijentu, na što efikasniji način suprostaviti svim oblicima nezakonitog ponašanja pojedinaca i grupa.

Dosadašnji proces rekonstrukcije policije tekao je na dva kolosijeka: prvi se odnosio na normativnu oblast, tj. usvajanje neophodne zakonske i podzakonske regulative koja će počivati na jedinstvenim principima na cijeloj teritoriji države Bosne i Hercegovine, i drugi, koji se ticao organizacionog i teritorijalnog ustrojstva policijskih snaga na državnom nivou. S tim u vezi, donešen je Zakon o policijskim službenicima Tuzlanskog kantona, a u toku je izrada novih i usaglašavanje postojećih podzakonskih akata iz djelokruga unutrašnjih poslova Tuzlanskog kantona. Dalji tok u procesu rekonstrukcije zavisi od političkog dogovora na državnom nivou.

Ministarstvo unutrašnjih poslova je i u izvještajnom periodu posebnu pažnju usmjerilo realizaciji projekta "Rad policije u zajednici", s ciljem unapređenja međusobnog razumijevanja i povjerenja građana i policije i razvijanja partnerskog odnosa kada se radi o bezbjednosnim ali i drugim problemima u lokalnoj zajednici. Jedan od osnovnih ciljeva u ovoj oblasti jeste upoznavanje zajednice sa osnovnim zadacima i funkcijom policije u demokratskom društvu, te uspostavu odgovarajuće razvojne forme saradnje sa zajednicom, što će omogućiti uključivanje i angažovanje građana kod određivanja prioriteta na lokalnom nivou i zajedničko donošenje prijedloga za suzbijanje svih društveno-štetnih pojava i dr.

Realizujući projekat saradnje sa zajednicom, evidentni su efekti ovog angažovanja policije, prije svega, u sve češćoj pomoći od strane građana u radu policije i borbi protiv kriminala.

Ministarstvo pravosuđa i uprave u ovom periodu je pripremio:

- nacrt Zakona o izmjenama i dopunama Zakona o izvršenju sankcija, čiji je prijedlog utvrđen na Vladi i dostavljen u skupštinsku proceduru,
- zakon o stavljanju van snage Zakona o lokalnoj samoupravi,
- radnu verziju Zakona o pravima izabranih dužnosnika i nosilaca izvršnih funkcija.

Pripreman je i nacrt Zakona o izmjenama i dopunama Zakona o kantonalnim administrativnim taksama i Tarifi kantonalnih administrativnih taksi, a značajan doprinos je dat u opredjeljivanju spornih pitanja sadržanih u nacrtu Kodeksa ponašanja izabranih zvaničnika i nosioca izvršnih funkcija Tuzlanskog kantona.

Donesen je Pravilnik o izmjenama i dopunama Pravilnika o osnovama i mjerilima za utvrđivanje plaća i drugih ličnih primanja radnika sudova Tuzlanskog kantona i Kantonalnog Tužilaštva na koji je Vlada Kantona dala saglasnost.

Posebne aktivnosti preduzimane su u cilju implementacije Zakona o notarima i uspostavljanju notarijata. Sudjelovano je u radu radne grupe za izradu Strategije reforme u sektoru pravde Bosne i Hercegovine u dijelu pravosuđa.

Na prijedlog ministarstva pravosuđa, Vlada Tuzlanskog kantona je donijela Odluku o prijemu određenog broja diplomiranih pripravnika volontera u sudovima, tužilaštvu i pravobranilaštvu.

Sačinjena je Informacija o rješavanju upravnih stvari u upravnom postupku u organima uprave Tuzlanskog kantona u 2006. godini koja je usvojena od strane Vlade na sjednici održanoj 17. 05. 2007. godine.

Vođen je upravni postupak i rješavano o upravnim stvarima iz resorne nadležnosti i to

- za upis u Registar udruženja i evidentiranje promjena upisanih podataka u tom Registru
- za odobravanje izrade pečata
- za odobravanje polaganja stručnog ispita i oslobađanje od obaveze polaganja, te rješavanje drugih upravnih stvari.

Na zahtjev Ombudsmena urađena je Informacija o broju zaposlenih državnih službenika i namještenika i to po stručnoj spremi i nacionalnoj pripadnosti zaposlenih u ministarstvu kao i za sve druge budžetske korisnike koje ministarstvo resorno pokriva.

Mjesečnim praćenjem realizacije Budžeta i izradom kumulativnih izvještaja o izvršenju, vršena je kontrola poslovanja svih budžetskih korisnika i poduzimane aktivnosti na obezbjeđenju sredstava za redovno poslovanje.

Ministarstvo obrazovanja, nauke, kulture i sporta je u okviru svojih nadležnosti, preduzimalo:

- aktivnosti oko donošenja Okvirnog zakona o predškolskom odgoju i obrazovanju u BiH;
- obrazovanju u BiH;
- aktivnosti na usaglašavanju i donošenju aneksa Kolektivnog ugovora za djelatnost osnovnog i srednjeg obrazovanja i Pravilnika o okvirnim koeficijentima za osnovno, srednje visoko obrazovanje i oblast kulture;
- aktivnosti na donošenju novih nastavnih planova i programa za različite obrazovne profile;
- aktivnosti na realizaciji obaveza koji proizilaze iz Zakona o bezbjednosti saobraćaja na putevima BiH i Zakona o obrtu;
- aktivnosti na upisu učenika u I razred osnovne škole, donošenju i objavljivanju plana upisa u prvi razred srednjih škola za 2007/2008. godinu, plana upisa studenata u akademskoj 2007/2008 godini;
- aktivnosti na donošenju programa kapitalnih ulaganja u oblasti obrazovanja, kulture i sporta;
- implementacija Akcionog plana za obrazovanje Roma i pripadnika drugih nacionalnih manjina;
- organizacija i provođenje takmičenja učenika osnovnih i srednjih škola iz: Matematike, Fizike, Biologije, Hemije, Tehničke kulture, Engleskog jezika na nivoima: općinski, kantonalni, federalni i državni;
- organizacija i realizacija Festivala kulturno-umjetničkog stvaralaštva učenika osnovnih i srednjih škola: dramsko stvaralaštvo, likovno, muzički programi; (učestvovalo oko 12. 000 učenika)
- aktivnosti na jačanju studentskog standarda (usvajanje kriterija, objavljivanje javnog poziva i provođenje postupka dodjele studentskih kredita),
- usvajanje kriterija, objavljivanje javnog poziva i provođenje postupka dodjele sredstava sa budžetske pozicije "Nauka";
- učešće u realizaciji projekata EU na izradi Strategije razvoja obrazovanja do 2015 godine;
- aktivnosti na provođenju eksterne mature u svim općim gimnazijama.
- aktivnosti na donošenju Odluka o utvrđivanju kriterija, uslova i postupka za

- raspodjelu sredstava sa pozicije „ kulturne manifestacije“, i pozicije „Izdavačka djelatnost“, za 2007.godinu i objavljivanje javnog poziva;
- aktivnosti oko preuzimanja osnivačkih prava u ustanovama kulture (Pozorište, Biblioteka i Galerija), donošenje normativnih akata i izbor organa upravljanja i rukovođenja;
 - aktivnosti vezane za organizaciju manifestacija kulture, od kojih izdvajamo samo neke: promocije knjiga, likovne izložbe, akademije, smotre muzičkog stvaralaštva, smotre kulturnog stvaralaštva, koncerti, poetske večeri, TKT-fest, Gradačački susreti, kongres bibliotekara i druge manifestacije;
 - aktivnosti na organizovanju i provođenju prvog ciklusa školskih takmičenja u osnovnom i srednjem obrazovanju u atletici, košarci, odbojci - u muškoj i ženskoj konkurenciji;
 - aktivnosti na utvrđivanju kriterija o dodjeli sportskih stipendija, normativa akata o zdravstvenoj zaštiti sportista, kao i kriterija koji uređuju raspodjelu sredstava sa pozicije fizička kultura i objavljivanje javnog poziva;

Ministarstvo prostornog uređenja i zaštite okolice je pripremio, a Skupština Kantona usvojila

- Zakon o izmjenama i dopunama Zakona o korištenju, upravljanju i održavanju zajedničkih dijelova i uređaja zgrade,

Pripremljene su i upućene u skupštinsku proceduru

- Zakon o izmjenama i dopunama Zakona o komunalnim djelatnostima i
- izmjene i dopune prostornog plana.

Donešeno je niz podzakonskih akata, odnosno izmjene i dopuna postojećih propisa iz oblasti zaštite okolice:

- Pravilnik o izdavanju okolinskih dozvola za pogone i postrojenja i druge planirane aktivnosti koje mogu značajno uticati na okolicu,
- Pravilnik o uslovima izdavanja saglasnosti za obavljanje stručnih poslova mjerenje buke itd

Poduzete su aktivnosti za formiranje Zavoda za prostorno planiranje i urbanizam, izvršene su pripreme za izradu «Studije ranjivosti prostora» za područje Tuzlanskog kantona.

U saradnji sa nadležnim općinskim službama ministarstvo je pratilo primjenu Zakona o uslovima i postupku legalizacije bespravno izgrađenih građevina i pripremalo neophodne izmjene i dopune navedenog propisa. Nastavljene su aktivnosti na praćenju realizacije Prostornog plana za područje Tuzlanskog kantona, na način da se izdaju saglasnosti na izradi dokumenata prostornog uređenja, izdaju stručne ocjene po zahtjevu nadležnih institucija. Kontinuirana podrška izgradnji Regionalne sanitarne deponije uz obezbjeđenje neophodne prostorno planske dokumentacije.

Ministarstvo finansija je u izvještajnom periodu radilo u skladu sa smjernicama i zaključcima Vlade Tuzlanskog kantona i Zakonom o ministarstvima i drugim organima uprave Tuzlanskog kantona, kojim su mu dati zadaci i poslovi iz oblasti finansijske politike, platnog prometa, poreske politike, poslova finansijsko-računovodstvenog karaktera, statističkih poslova, poslova privrednog i finansijskog prava i obavljalo je sve druge poslove iz oblasti finansija na nivou Tuzlanskog kantona, usaglašavajući iste sa politikom i propisima donesenim na nivou Federacije Bosne i Hercegovine

Zaključkom Skupštine Tuzlanskog kantona sa sjednice od 28.12.2006. godine usvojen je Nacrt Budžeta za 2007.godinu i Nacrt Zakona o izvršenju budžeta za 2007. godinu, te je Ministarstvo finansija bilo zaduženo za sačinjavanje Programa javne rasprave. Ministarstvo finansija je nakon provođenja javne rasprave sumiralo rezultate, te sačinilo prijedlog Budžeta TK-a za 2007. godinu i prijedlog Zakona o izvršenju Budžeta za 2007. godinu.

Skupština Tuzlanskog kantona je na sjednici održanoj 22.03.2007. godini usvojila Budžet Tuzlanskog kantona za 2007. godinu u iznosu od 338.998.442,00 KM i Zakon o izvršenju Budžeta TK za 2007. godinu, a isti su objavljeni u Službenim novinama Tuzlanskog kantona broj:3/07.

U toku mjeseca marta, aprila i maja Ministarstvo finansija je aktivno učestvovalo u

- aktivnostima oko izmjene platnih razreda i utvrđivanju koeficijenata za obračun plaće državnih službenika i namještenika u organima državne službe, uposlenika u javnim ustanovama osnovnog, srednjeg i visokog obrazovanja, te policijskih službenika.

- aktivnostima u vezi sa trogodišnjim planiranjem, shodno Zakonu o budžetima u Federaciji BiH («Službene novine Federacije BiH» broj:19/06) kojim je propisana obaveza trogodišnjeg planiranja budžeta, plana razvojnih programa, podnošenje budžetskih zahtjeva i sadržaj budžeta.

- aktivnostima u vezi sa procedurama korištenje vlastitih prihoda

Ministarstvo industrije, energetike i rudarstva se maksimalno angažovalo na izradi i donošenju Budžeta TK za 2007. godinu u okviru kojeg su planirana sredstva u vidu subvencija javnim i privatnim preduzećima. Ovim sredstvima resorno ministarstvo je uspjelo podržati Rudnik soli «Tušanj», Rudnik krečnjaka «Vijenac», «Aidu» Tuzla, TTU Tuzla, Livnicu Čelika Tuzla, KHK Lukavac Tuzla, koji su u periodu I- IV 2007. značajno povećali proizvodnju. Najveći indeks povećanja proizvodnje bio je kod Tvornice transportnih uređaja «TTU» Tuzla, u iznosu od 1,74 indeksnih jedinica.

Ministarstvo je sa Rudnikom soli «Tušanj» završilo ukupne aktivnosti na zaustavljanju rada «Sonih bunara» čime su preuzete obaveze da se sa «Tetime» obezbijede sve količine slane vode za prerađivače (Solana, Sisecam Lukavac).U okviru tih aktivnosti

- potpisan je protokol sa Rudnikom soli «Tušanj» gdje su definisane obaveze potpisnika. Resorno ministarstvo do sada je obezbijedilo planirana finansijska sredstva koja su omogućila potpisivanje ugovora Rudnika soli «Tušanj» sa Hrvatskom firmom «Crosko» te su radovi otpočeli na izgradnji istražno eksploatacione buštine B-80 i B-84,

- u pripremi je međunarodni tender za izradu preostalih četiri istražno-eksploatacione bušotine. Ovim aktivnostima resorno ministarstvo je ispunilo obavezu iz «Protokola» sa Sisecam Lukavac oko obezbjeđenja «sirovina» a samim tim omogućilo dalje investiranje Sisecam-a u povećanju proizvodnje (lake sode) kao i investiranje u novu tehnološku liniju za proizvodnju teške sode.

Resorni ministar zajedno sa Premijerom Kantona organizovao je sastanak sa načelnicima općina, predstavnicima federalne Vlade u oblasti obnove, razvoja i direktorom FIP-e na kome su prezentirane ideje o pokretanju malog i srednjeg biznisa

kroz industrijsko poduzetničke zone, u okviru koje bi došlo do značajnih zapošljavanja.

Ministarstvo trgovine, turizma i saobraćaja je u periodu od 01.03.2007. do 31.05.2007. godine pored redovnih poslova u okviru svog resora izdalo

- 4716 Rješenja o tehničko-eksploatacionim uslovima vozila,
- 1374 licenci za motorna vozila koji obavljaju pojedine vrste prevoza
- 1050 iskaznica za vozače motornih vozila,
- 937 licenci «C» za javni prijevoz stvari,
- podijelilo 135 taxi oznaka.

Izrađena je baza podataka smještajnih turističkih kapaciteta na području Tuzlanskog kantona.

- Vođene su aktivnosti na privatizaciji «Polet» d.d. i d.d.»Konjuh» Kladanj,
- uzeto je učešće na svim održanim međunarodnim sajmovima na području Kantona,
- intenzivirane su aktivnosti na završetku izgradnje Južne saobraćajnice na dionici kroz Miladije, vođene aktivnosti na izradi neophodne dokumentacije (urbanistička saglasnost) za nastavak izgradnje petlje «Šićki Brod»,
- donesen je novi Pravilnik o obavljanju taksi prijevoza na području Kantona kao i Pravilnika o linijskom i vanlinijskom prevozu putnika.

Direkcija cesta je od ukupno ostvarenih pet miliona i tri stotine hiljada konvertibilnih maraka, na osnovu Zakona o cestama distribuirala dva miliona i dvijestotine hiljada općinama Tuzlanskog kantona, a preostalih tri miliona izmirila obaveze po osnovu odgođenog plaćanja, obaveze po kreditu Bor banke i dospjele obaveze dobavljača. Pokrenute su aktivnosti na realizaciji Plana rada za 2007. godinu koje podrazumijevaju zaključivanje ugovora za redovno održavanje puteva na području Tuzlanskog kantona, započinjanju radova na rekonstrukciji puteva (Simin Han-Gornja Tuzla) i okončanju radova na nekoliko dionica:

- Brnjik-Vražići, Živinice-Svatovac, Živinice-Zelenika.

Nekoliko dionica regionalnih putnih pravaca je u toku tehničkog prijema a nekoliko je u fazi odabira izvođača radova.

- izrada četiri projektne dokumentacije za sanaciju puteva i izgradnju mostova, dato pet projekata na reviziju, revidiran jedan, a završena izrada šest projekata za rehabilitaciju dionica puteva i sedam putnih pravaca na području Tuzlanskog kantona.

- preduzete su aktivnosti na sanaciji četiri klizišta.

Ministarstvo poljoprivrede, vodoprivrede i šumarstva je sačinilo

- Prijedlog Zakona o novčanoj podršci u primarnoj poljoprivrednoj proizvodnji koji je putem Vlade Tuzlanskog kantona dostavljen i usvojen na Skupštini, a zatim Program utroška sredstva za te namjene u 2007. godini.
- Donesen je Plan proljetne sjetve,
- Program ulaganja sredstva vodoprivrednih naknada u oblast vodoprivrede za 2007. godinu.

Urađena je Informacija o poslovanju privrednih društava iz oblasti primarne poljoprivredne proizvodnje i prehrambene industrije u 2006. godini, kao i Izvještaj o isplaćenim novčanim podsticajima u primarnoj poljoprivrednoj proizvodnji u općinama Tuzlanskog kantona za 2006. godinu.

U završnoj fazi je potpisivanje ugovora o zakupu državnog poljoprivrednog zemljišta na području općina Kalesija, Živinice, Lukavac, Srebrenik i Gradačac.

Ministarstvo zdravstva je u ovom periodu nastavilo aktivnosti na realizaciji Projekta «Jačanje zdravstvenog sektora» koji je namijenjen razvoju porodične medicine što uključuje opremanje ambulanti ili njihovu rekonstrukciju i za te namjene iz Budžeta Tuzlanskog kantona izdvojeno je oko sto pedeset hiljada konvertibilnih maraka.

Pored redovnih resornih aktivnosti u ovom periodu Vladi Tuzlanskog Kantona upućen je, između ostalog, Izvještaj o stanju hitne medicinske pomoći na području Tuzlanskog kantona koji promovira novu organizaciju hitne službe na području našeg kantona. Vlada je isti podržala i uputila u Skupštinu na razmatranje.

Ministarstvo je tokom aprila i maja vodilo aktivnosti sa predstavnicima italijanske regije Friuli Venezia Giulia o potpisivanju sporazuma između ove regije i Tuzlanskog kantona. Ovom saradnjom otvara se prostor za edukaciju stručnjaka iz oblasti zdravstva naročito u oblasti onkologije, te podrške Ministarstvu zdravstva i Ministarstvu za rad i socijalnu politiku u planiranju i programiranju zdravstvene i socijalne politike i prezentacije zajedničkih projekta.

Od 16.04.2007. godine na području Federacije BiH zaposleni u zdravstvu su stupili u generalni štrajk, te su ministarstvo i Vlada Tuzlanskog kantona vodili aktivnosti na rješavanju ovog problema. Urađena je Elaboracija prijedloga Kolektivnog ugovora o pravima i obavezama poslodavaca i zaposlenika u oblasti zdravstva na teritoriji FBiH sa pravnog i finansijskog aspekta sa prijedlogom mjera koja je dostavljena Skupštini na razmatranje.

Štrajk je okončan prihvatanjem teksta Kolektivnog ugovora o pravima i obavezama poslodavaca i zaposlenika u oblasti zdravstva na teritoriji FBiH. Zaduženi su Ministarstvo zdravstva TK i Zavod zdravstvenog osiguranja TK da sagledaju mogućnost povećanja stopa doprinosa za obavezno zdravstveno osiguranje i u što kraćem roku predlože izmjene Odluke o utvrđivanju osnovica, stopa i načina obračuna i uplate doprinosa za obavezno zdravstveno osiguranje na području Tuzlanskog kantona.

Donošenjem navedenih zaključaka i odluka, Vlada Tuzlanskog kantona je ispunila dogovore postignute sa Sindikatom zaposlenih u zdravstvu. Važno je napomenuti da je Tuzlanski kantona prvi u Federaciji BiH uspio iznaći rješenje za ovaj problem.

Ministarstvo za rad i socijalnu politiku je obezbijedilo uslove i počelo sa primjenom odredaba Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom tj. naknada za vrijeme porodijskog odsustva se isplaćuje u visini od 90% ostvarene plaće, umjesto dosadašnjih 60%, kao i ostalih prava odnosno oblika socijalne zaštite (novčana pomoć za nezaposlene žene, majke porodilje u iznosu od 90 konvertibilnih maraka, mjesečno do šest mjeseci starosti djeteta, isplata dječijeg dodatka za djecu iz porodica u kojima nijedan od roditelja nije zaposlen u iznosu od 30 konvertibilnih maraka). Ažurirane su isplate naknada civilnim žrtvama rata za februar i mart 2007. godine.

U oblasti rada održan je sastanak Inicijativnog odbora u vezi izrade strategije zapošljavanja na području Tuzlanskog kantona na osnovu kojeg je Vlada Tuzlanskog kantona formirala Koordinacioni odbor koji će Vladi predložiti stručni ekspertni tim za izradu Strategije zapošljavanja na području Tuzlanskog kantona.

U saradnji sa JU Služba za zapošljavanje Tuzlanskog kantona, poduzimane su aktivnosti na rješavanju problema u vezi nedostatka sredstava za primjenu Zakona o pravima demobilisanih branilaca i članova njihovih porodica, kao i na aktiviranju i realizaciji programa zapošljavanja.

Ministarstvo obnove, razvoja i povratka je po usvajanju Budžeta Tuzlanskog kantona za 2007.godinu donijelo nekoliko odluka o raspoređivanju sredstava sa budžetske pozicije: podrška povratku prognanih lica, materijalno zbrinjavanje socijalno ugroženih lica, podrška razvoju kantona kao i odluke o utvrđivanju kriterija o trošenju istih.

Ministarstvo odnosno Vlada Tuzlanskog kantona je dala važan doprinos stvaranju odgovarajućih uvjeta i poduzela potrebne mjere – uz ostalo i izdvajanjem znatnih finansijskih sredstava u dijelu procesa povratka izbjeglica i obnove njihove imovine.

Izvršena je procedura izbora 160 korisnika donacija u građevinskom materijalu putem Javnog poziva, izvršeno je usaglašavanje sa predstavnicima Općine Srebrenica oko izbora prioriternih aktivnosti vezano za podršku povratku u Srebrenicu po zaključku Skupštine Tuzlanskog kantona, usvojena je metodologija izrade Strategije razvoja Tuzlanskog kantona, izvršene neophodne pripreme za otvaranje instituta za zavarivanje Tuzla.

Ministarstvo za boračka pitanja je u okviru svojih nadležnosti preduzimalo:

- aktivnosti oko donošenja Zakon o dopunskim pravima branilaca i članova njihovih porodica (“Službene novine Tuzlanskog kantona”, broj: 03/07),

- aktivnosti oko donošenja Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2007. godini,

- aktivnosti oko donošenja Program korištenja bespovratnih novačanih sredstava za stambeno zbrinjavanje korisnika prava iz oblasti boračko - invalidske zaštite Tuzlanskog kantona u 2007. godini,

- aktivnosti oko donošenja Programa obilježavanja značajnih datuma, događaja i ličnosti na području Tuzlanskog kantona,

- aktivnosti oko donošenja Odluka o utvrđivanju kriterija za raspodjelu sredstava predviđenih Budžetom Tuzlanskog kantona za realizaciju programskih ciljeva boračkih organizacija i udruženja u 2007. godini,

- aktivnosti oko donošenja Programa o rasporedu sredstava prema Zakonu o dopunskom pravima boraca-branitelja Tuzlanskog kantona za 2007. godinu,

-aktivnosti oko donošenja Pravilnika o utvrđivanju osnova, mjerila, kriterija i postupaka za odobravanje sredstava za pomoć u rješavanju stambenih potreba boraca i članova njihovih porodica na području Tuzlanskog kantona za 2007. godinu,

- aktivnosti oko donošenja Pravilnik o izmjenama i dopunama Pravilnika o utvrđivanju osnova, mjerila, kriterija i postupka za odobravanje sredstava za pomoć u rješavanju stambenih potreba boraca i članova njihovih porodica na području Tuzlanskog kantona za 2007. godinu,

- aktivnosti oko obilježavanje godišnjice formiranja Armije Bosne i Hercegovine gdje je uz potporu Ministarstva za boračka pitanja održan skup predstavnika svih boračkih organizacija sa Tuzlanskog kantona u općini Sapna 15.4.2007. godine,

-aktivnosti na okončanju postupka zakonske revizije porodične i lične invalidnine. To je proces koji značajno opterećuje Ministarstvo za boračka pitanja, obzirom na povećan broj novopodnešenih zahtjeva,

- aktivnosti oko obilaska i sagledavanja stambene situacije ratnih vojnih invalida 100%, I i II grupe i sačinjavanja Informacije o istom, Vladi Tuzlanskog kantona i skupštini Tuzlanskog kantona

B//Nakon provedenih procedura Javnih nabavki po odredbama važećeg Zakona, u Ministarstvu se, pristupilo zaključenju sledećih Ugovora neophodnih za realizaciju dopunskih prava branilaca i članova njihovih porodica:

- Ugovor o regulisanju međusobnih odnosa radi obezbjeđivanja naočala sa korekcionim staklima ratnim vojnim invalidima na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja ortopedske obuće, ratnim vojnim invalidima na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja invalidskih kolica na mehanički pogon za potrebe ratnih vojnih invalida sa amputacijom donjih ekstremiteta na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja higijensko sanitetskog materijala ratnim vojnim invalidima na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja slušnih pomagala ratnim vojnim invalidima na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja ostalih pomagala ratnim vojnim invalidima na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja endoproteza ratnim vojnim invalidima na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja ortopedskih pomagala za gornje i donje ekstremitete ratnim vojnim invalidima na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja očnih proteza ratnim vojnim invalidima na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja pružanja usluga banjско – klimatskog liječenja ratnim vojnim invalidima, dobitnicima ratnih priznanja i odlikovanja i nositeljima «Partizanske spomenice 1941» na teret sredstava Budžeta Tuzlanskog kantona,

-Ugovor o regulisanju međusobnih odnosa radi obezbjeđivanja pružanja usluga banjско – klimatskog liječenja ratnim vojnim invalidima, dobitnicima ratnih priznanja i

odlikovanja i nositeljima «Partizanske spomenice 1941» na teret sredstava Budžeta Tuzlanskog kantona

-Anex 3. Ugovora o poslovnoj saradnji sa JZU UKC Tuzla

Na osnovu Programa i Pravilnika za pomoć u stambenom zbrinjavanju raspisan je konkurs za raspodjelu cca 7300000,00KM u svrhu pomoći za rješavanje stambenih potreba boraca i članova njihovih porodica, čija procedura je u toku pred općinskim službama za boračko – invalidsku zaštitu,

Značajan iznos sredstava je realizovan u svrhu refundacije za podignute nišane poginulim braniocima.

Sva ostala prava se prate planiranom dinamikom

U okviru redovnog rada Vlade Tuzlanskog kantona isticemo dio aktivnosti:

06.03.2007. Premijer Tuzlanskog kantona i predstavnici ministarstva industrije energetike i rudarstva su potpisali Protokol sa Rudnikom soli «Tušanj» za izradu Projekta 6. bušotine na Rudniku soli «Tetima» za potrebe hemijske industrije čija je vrijednost Projekta deset miliona maraka.

Značajno je napomenuti da je na 3. redovnoj sjednici Vlade od 12.04.2007. godine donesena Odluka za ministarstvo industrije energetike i rudarstva i to za Projekat Rudnika soli «Tušanj» za kreditiranje izgradnje istražno-eksploatacionih bušotina na Rudniku soli «Tetima» u iznosu od tri miliona i petstotina hiljada konvertibilnih maraka kao i petstotinajedanaesethiljada i šeststotina konvertibilnih maraka za nabavku opreme za geofizičko i seizmičko praćenje ponašanja masiva u završnoj fazi i nakon prestanka eksploatacije na sonim bunarima, kao i za završna geodetska mjerenja i likvidaciju sonih bunara.

Tako je 28.05.2007. godine konačno obilježen prestanak proizvodnje slane vode nekontrolisanim izluživanjem sa tuzlanskog sonog ležišta na lokalitetu sonih bunara (rezervoar Borić).

Važno je istaknuti u dijelu privrednog razvoja da se u ovoj godini i narednom periodu planiraju investirati znatna ulaganja u projekte Fabrike sode Lukavac (40 miliona konvertibilnih maraka) na ime rekonstrukcije postojećih postrojenja, kao i izgradnja pogona za proizvodnju teške sode, Termoelektrane Tuzla(120 miliona konvertibilnih maraka) na ime rekonstrukcije bloka brojV, kao i Fabrike cementa Lukavac (40-45 miliona eura na ime povećanja tehnološke sposobnosti).

Predloženi su timovi za izradu Strategije zapošljavanja Tuzlanskog kantona kao jedne od prioriternih aktivnosti. Činjenica je da se ne može graditi država bez čovjeka koji ne radi i zato je potrebno je mijenjati ukupan društveni ambijent koji se ispunio izuzetnom količinom nezadovoljstva, beznađa i nedostatkom vjere te vratiti dostojanstvo čovjeku, građaninu. Otvoriti mu put nade za bolji, sretniji i sigurniji život, njegov i njegove porodice. Taj kompleksni zadatak je prioritet te će se preduzeti sve aktivnosti na njegovom rješavanju.

Formiran je i interesorni tim za borbu protiv ovisnosti, (veliki problem današnjice koji sve više uzima maha i u našoj sredini i za čije je rješavanje potrebno uključiti širu društvenu zajednicu).

Vlada Tuzlanskog kantona je kao generalni pokrovitelj u ovom periodu organizovala tri sajma sa međunarodnim značajem a to su

- «Sajam turizma» u Lukavcu,

- «Dani jagodičastog voća» u Čeliću, i
- «Promo» susreti u Tuzli koji su imali i tri prateće manifestacije Međunarodni sajam gradova, općina i regija «GLOBALLOCAL», kao i međunarodni poslovni forum PERSPEKTIVE».

Ono što posebno treba napomenuti da je Vlada Tuzlanskog kantona odmah na početku svog rada uspostavila kvalitetan dijalog sa Sindikatom zaposlenih u organima uprave i sudske vlasti i na partnerskoj osnovi pokrenula razgovore o rješavanju pitanja materijalnog statusa zaposlenih u organima uprave. Rezultat tog dijaloga, bilo je usvajanje Odluke o utvrđivanju platnih razreda i koeficijenta za plaće državnih službenika u organima državne službe Tuzlanskog kantona kojom je znatno poboljšan materijalni status uposlenih u organima uprave. Veoma je bitno naglasiti da je ovaj proces usklađivanja kantonalne odluke sa federalnom Odlukom o utvrđivanju platnih razreda koeficijenta za plaće državnih službenika, koja je donesena početkom 2006.godine, započet u ranijem periodu, ali zbog nemogućnosti uspostavljanja kvalitetnog dijaloga između sindikalnih predstavnika i Vlade kao poslodavca nije okončan do kraja.

Posjete i prijemi:

Od 02.04.2007. godine do 04.04.2007. godine Premijer Tuzlanskog kantona i predstavnici Univerziteta i UKC Tuzla posjetili su regiju Örebro u Švedskoj a 23. i 24. 05.2007. godine, sa svojim saradnicima Premijer Kantona posjetio je Bjelogorsko –Bilogorsku županiju gdje je potpisan Predugovor Sporazuma o saradnji u okviru privrede, prostornog planiranja i zaštite okoliša, obrazovanja kulture i sporta i drugih zajedničkih projekata. Saradnja sa Örebrom imala je za rezultat između ostalog i uspostavljanje saradnje privrednika i zdravstvenih radnika dviju regija.

U vremenu od 5.3.2007. godine do 01. 06. 2007. godine, Premijer Tuzlanskog kantona je sa svojim saradnicima posjetio općine Srebrenik, Živinice, Kladanj, Doboj Istok, Lukavac i Tuzlu i u okviru tih posjeta posjetio preduzeća kao što su «Fana» «Alfe-mi», «Konjuh», «Duje», Solana, Dita, Cementara i Fabrika sode Lukavac. Premijer je bio u kratkim radnim posjetama u svim ministarstvima Tuzlanskog kantona i upoznao se sa njihovim sistemom rada, planovima i projektima kao i sa poteškoćama u radu i načinima njihovog prevazilaženja , što je ocjenjeno veoma pozitivno kako od strane ministara tako i svih uposlenika.

Premijer Tuzlanskog kantona je zajedno sa glavnokomandujućim EUFOR-a Hans Jochen Witthauerom posjetio izbjeglička naselja u Cviljevini i u Kalesiji. U ovom periodu u okviru redovnih aktivnosti Premijer je primio ambasadora Palastine Dr. Zuhair Al-Shuna, predstavnike OSCA-a, EUPM-a, kao i četrdeset delegacija raznih udruženja, boračkih, sindikalnih organizacija, nevladinih oganizacija.

28.04.2007. Premijer Tuzlanskog kantona je zajedno sa predstavnicima Univerzitetsko-kliničkog centra primio u posjetu predsjednika Islamske Republike Pakistan Perveza Mušarafa gdje je između ostalog dogovoren nastavak saradnje Tuzlanskog kantona kao i Bosne i Hercegovine na polju medicine ali i u drugim oblastima.

Održan je sastanak sa načelnikom Općine Lukavac, ministrom za prostorno uređenje i zaštitu okolice, direktorom d.o.o. Regionalne Eko deponije, članovima Nadzornog odbora i predsjednikom Skupštine preduzeća, a vezano za nastavak radova oko izgradnje Regionalne Eko deponije u Huskićima kao jednog od najvažnijih projekata za koje je Svjetska banka izdvojila šest miliona maraka.

U maju mjesecu Premijer Tuzlanskog kantona je održao sastanak sa visokim predstavnikom za Bosnu i Hercegovinu Kristijanom Švarcom Šilingom na Univerzitetu u Tuzli gdje je razgovarano o trenutnom stanju u visokom obrazovanju i prijedlozima za reformu koja se mora voditi na nekoliko frontova. Visoki predstavnik je naglasio da prije svega, ova zemlja mora dobiti novi zakonodavni okvir na državnom nivou, u skladu sa Evropskim područjem in praksom visokog školstva, jer je BiH trenutno jedina članica Bolonjskog procesa koja nema državni Zakon o visokom obrazovanju koji ispunjava bolonjske zahtjeve.

Takođe je održan sastanak sa predstavnicima italijanske regije Fiuli Venecija Đulija i sa njima je razgovarano o potpisivanju Protokola između ove regije i Tuzlanskog kantona na ekonomskom polju i Protokola u djelatnosti zdravlja i socijalne zaštite. U ove projekte će pored resornih ministarstava biti uključeni i Ekonomski i Medicinski fakultet u Tuzli kao i Univerzitetsko-klinički centar u Tuzli.

U saradnji sa Kantonalnom privrednom komorom Tuzla vođene su zajedničke aktivnosti na formiranju Konzorcija u oblasti građevinarstva koji bi pomogao zajednički nastup firmama sa područja Tuzlanskog kantona u oblasti niskogradnje i visokogradnje na tenderima u BiH i na ino tržištu a vezano za detašmane u Njemačkoj. Takođe je formiran tim i urađen Elaborat za formiranje Centra za standarde i ekologiju koji bi djelovao pri Kantonalnoj privrednoj komori a osnivač su Vlada i Kantonalna privredna komora Tuzla. Cilj je stimulisanje privrednih subjekata za zadovoljenje Iso standarda a posebno okolinskih dozvola.

Takođe je pokrenuta inicijativa da Vlada TK i Kantonalna privredna komora zajednički formiraju Euro info korespondentni centar Tuzla (EICCTuzla) koji bi predstavljao nevladinu, neprofitnu, stručno-poslovnu i javno pravnu asocijaciju pravnih lica i predstavljao bi interese privrednika i građana Tuzlanskog kantonau u integracijskim procesima sa Europskom unijom.

Euro info korespondentni centar Tuzla (EICC Tuzla) bio bi osnovan u okviru Kantonalne privredne komore Tuzla, Vlade Tuzlanskog kantona i općine Tuzla i bio bi činio dio mreže Euro info centara (EIC) koja pokriva sve države članice Evropske unije (EU) te mnoge zemlje koje se nalaze izvan EU. Centar informira i savjetuje preduzeća, pruža informacije o programima i projektima Evropske unije, učestvuje na sajmovima, organizira obuke, konferencije, i sl. Posebna pažnja se posvećuje unutrašnjem tržištu Evropske unije, a naročito oblastima kao što su carinske procedure i propisi, evropski standardi u oblasti kvaliteta, certificiranje proizvoda, CE označavanje, finansiranje malih i srednjih preduzeća.

Važno je napomenuti da se saradnja sa Skupštinom Tuzlanskog kantona od početka bazira na redovnoim i ažurnom dostavljanju svih dokumenata, prijedloga zakona, izvještaja i informacija kako bi se ispoštovao predviđeni plan rada Skupštine. Naša očekivanja su da će ta saradnja i u budućnosti biti korektna i na obostrano zadovoljstvo

III ZAKLJUČNA RAZMATRANJA

Vlada Tuzlanskog kantona je u prvih stotinu dan rada aktivno kreirala i pokrenula značajne aktivnosti u svim ministarstvima, direkcijama i upravama Tuzlanskog kantona.

Neophodno je krenuti o dinamičnije aktivnosti na iznalaženju finansijskih sredstava koja će se investirati u otvaranje novih gradilišta, ponajprije za izgradnju putne infrastrukture čime se stvaraju uslovi za izgradnju industrijskih kapaciteta, što u konačnici vodi ka otvaranju novih radnih mjesta. To su prije svega Brza cesta Tuzla-Sarajevo, Tuzla-Orašje i koridor VC odnosno priključak Tuzlanskog kantona na taj Koridor.

Postoji izražena potreba da se u što kraćem roku izradi Strategija razvoja Tuzlanskog kantona. Strategija razvoja Tuzlanskog kantona bi unapređenjem poslovne okoline, restrukturiranjem imovine i razvojem ljudskih potencijala mogla da odgovori na potrebe zaposlenja kao i na potrebu za ravnomjernijim razvojem regije. Ovim kontekstom je obuhvaćena i evropska orjentiranost regije uključujući i međuregionalnu (međuopćinsku/međuopštinsku) saradnju.

Interdisciplinarnim pristupom u procesu planiranja i kreiranja budžetskih prihoda i rashoda, racionalnim i optimalnim upravljanjem resursima i razvojem i optimiziranjem efikasnosti infrastrukture kao važnim kompetitivnim prednostima Kantona, planskim investiranjem u tehnologiju, razvojni i istraživački rad, uz dinamičan obrazovni sistem i osiguravanje osnovnih egzistencijalnih uvjeta, posebno socijalnih i zdravstvenih, Tuzlanski kanton treba da se uključi u porodicu evropskih regija sa jakim poslovnim, javnim i socijalnim sektorom, efektivnom administracijom i relativno dobrim životnim standardom.

VLADA TUZLANSKOG KANTONA